

ro commistos) planè Nigricantem. Affu-
mantur \bar{z} vj. bis ; vel \bar{z} iv. ter in die.

Julapii Acido-dulcis \bar{t} bij.

\bar{R} Aq. font. puræ ad medias coctæ \bar{z} xxviij.
Syr. Violar. \bar{z} iiij. Syr. Garyoph. (vel è Rubo
Idæo) \bar{z} j. Sp. Vitrioli q. f. ad gratiam. m.

Acida in Biliosis Febris (inquit Riverius)
nunquam omittenda ; quia Amara dulcifican-
tur per Acida ; quæ, si intensa sunt in suo
gradu (ut Sp. Vitrioli, aut Sulphuris) ipsius
Aloës & Colocynthidos amaritudinem delent :
Bilis autem flava suo amarore spoliata, mor-
tua est, & innoxia. Atq; alibi dicit, De Spi-
ritu Vitrioli, & Sulphuris hoc diligenter ad-
vertendum, in Febris Putridis magnum esse
illius usum ; quia insignem vim habet Refrige-
randi, Aperiendi, Putredini resistendi, In-
flammabilitatem humorum prohibendi, & Si-
tim sedandi. Attamen in Pleuritide, Perip-
neumoniâ ; Hæmoptoe, Phthisi, cæterisq;
Pulmonis affectibus, Ventriculi inflammatio-
ne, Dysenteriâ, Sanguinis mictu, Renum,
& Vesicæ ulceribus, plurimum nocere, & ab
eo abstinendum esse.

Julapium hoc elegantissimum, & longè
gratissimum exhiberi potest frigidè in Febris
ardentibus ad \bar{z} iiij. vel \bar{z} iiiij. sextis horis.

Julapii Alexiterii \bar{t} bij.

\bar{R} Aq. Lact. Alexiter. Cerasor. nig. \bar{a} \bar{z} iv.
Aq. Rutæ \bar{z} iiij. Epidem. \bar{z} ij. Tinct. Croci (Aq.
Theriac. paratæ) \bar{z} j. Syr. Caryophyl. \bar{z} ij. Lap-
de

de Goâ Lap. Contray : ā ʒj. Confec. Alkerm.
ʒij. m.

Necessarii usùs est Febribus putridis, & malignis, ubi Spiritus à Veneno deleterio, & sphacelante ferè obruuntur, & enecantur; ad illos nempè vividè expandendos, & exfusciandos; indeq; ad Sanguinis miscelam debitam restaùrandam; Venenum debellandum; & foràs eliminandum. Ad hos fines pro re natâ concèdi potest ad cochl. v. octavis, sextis, vel tertiis horis. Diligentè verò observandum, quòd quamprimùm Phlogosis Spirituum, & Sanguinis hoc ritu restituitur; nè incendium funestum indè suboriatur, prorsùs ab hujusmodi calidiorum usu tempestivè abstinere oportet; aut saltèm eorum dosis minuenda, & rariùs repetenda est.

ʒulapii Antemetici ʒxij.

℞ Aq. Germ. Querc. Cinnam. hord. ā ʒiij.
Aq. Gent. comp. Absinth. comp. Syr. Limon. ā ʒij. Sal. Absinth. ʒij. Laud. liq. gut. 40. m.

Hujus elementa constitutiva sunt, Sal. fixum acido commissum, & in tertium quid coalitum; Aromatica; Astringentia, & Laudanum; atq; idèd Fermentum acre obtundit; Stomachi vigorem, & tonum restituit, Spirituum furores coercet, Fibrillarum spasnum confopit, & Vomitum efficacitè sistit. Dos. cochl. iij. per vices frequentes.

ʒulapii

Zulapii Astringentis ℥xij.

℞ Aq. Plantag. & Gemmul. Querc. ā ℥iv.
Menthæ ℥fs. Cinnam. fort. ℥ij. Syr. è Rosis
ficc. ℥ifs. Diacord. Boli ā ℥iv. Terr. Japan.
℥ij. Ol. Nuc. Mosc. gut ij. m.

Contra Diarrhæam inscribitur. Diarrhæa
verò symptomatica (illa nempe quæ Febrium
principio supervenit) ut plurimum est mala;
Primo, Quia Impedit concoctionem materiæ
morbificæ, ceu legitimam ejus separationem
per naturalem humorum fermentationem.
Secundo, Quia vires prostermit. Tertio,
Quia subsequens est febrilis Colliquationis,
id quod patet, quoniam Excreta tunc tem-
poris sunt plurimum foetida. Ergò talis Diar-
rhæa semper erit sistenda, aut saltèm ita cohi-
benda, nè fiat exorbitans. Medici aliàs or-
dinariò putant indicari tunc Purgationem,
quandò talis supervenit Diarrhæa; sed rectè di-
cit Lindanus, ipsos tunc nescire quid sit Su-
pervenienti Morbo: Nam cum superveniat ta-
lis Diarrhæa tantummodò propter summam
materiæ cruditatem, & acrimoniam, eamq;
sæpiùs malignam, humorumq; etiam confu-
sionem, statumq; colliquativum, non de-
bet sanè irritari, & exasperari Purgantibus,
sed vel in totum sisti, vel saltèm intra debi-
tos limites coerceri. Dos. ℥ij. sextis horis,
donec refrænetur symptoma, & postea bis,
vel semèl in die, pro justâ rei emergentis exi-
gentiâ.

Zulapii

Zulapii Aurei ℥j.

℞ Vini Canar. ℥j. Garyoph. contus. ℥j. Croci scissi ℥ss. macera in Balnei calore horam j. col. adde Spir. Hormini (Essentiâ Amb. gr. imbuti) ℥ss. Spir. Lavend. Comp. ℥j. Syr. Garyoph. ℥iiss. Succi Chermes ℥ss. Fol. Auri N^o iij. m.

Zulapii Camphorati ℥j.

℞ Aq. Bacc. Sambuc. Aq. Ceras. nig. ā ℥vj. Aq. Bryon. comp. ℥j. in istis extingue (ad totalem consumptionem) Camphoræ accensæ Div. adde Syr. bacc. Samb. & Syr. Ceras. nigr. ā ℥iiss. m.

Hoc præcellentissima inter Hysterica numerari debere, sæpiùs repetita satis probavit Experientia: Spiritus namq; efferatos mirè sedando, defultorios coercendo, & dissipabiles condensando, figendoq; Paroxysmum præsentem abrumpit, & expectatum præcavet: Imò si pertinacitèr satis usurpetur, nonnunquam & Affectum ipsum radicitus extirpat. Propinentur ℥ij. vel ℥iij. pro dosi.

Zulapii Carminantis ℥xij.

℞ Vini albi ℥iv. Aq. flor. Chamæm. Rutæ ā ℥iij. Aq. Pæon. comp. ℥iiss. Sacch. albiss. ℥vj. Ol. Junip. gut. xxiv. m. i. a.

Phlegmatis in Ventriculo, & Intestinis tenacitatem incidit: Spumam, & Bullas ex ejus conquassatione ortas, dissilire facit; Flatus, & Vapores iis inclusos dissipat: Calorem Viscerum

scerum deficientem restituit, Spasmodicam-
què Membranarum agitationem tollit. Uti-
lissimè præscribitur ad Ructus & Flatus Ven-
triculum, & Hypochondria distendentes, &
cruciantes, ad Colicam, Tormina post Par-
rum, Vertiginem, &c. Dos. ζ ij. vel ζ iiij.
vase priùs benè agitato.

Julapii Cephalici ζ xij.

R $\&$ Aq. Ceras. nig. ζ iv. Rutæ ζ ij. Pæon.
comp. ζ ij. Bryon. comp. ζ j. Tinct. Castor.
Spir. Lavend. comp. \bar{a} ζ ij. Ol. Nuc. Mosch.
gut. iv. Syr. Pæon. comp. ζ iss. Pul. de Gutte-
tâ div. m.

Ad Epilepsiam, & Affectiones quascunq;
Convulsivas, & Soporosas; ad Capitis dolo-
rem, Vertiginem, & Paralyfin, cum fructu
usurpatur.

Propinari possint cochl. v. ante, inter,
vel immediatè post Paroxysmum. Ad præ-
cautionem verò manè, & vesperi, præsertim
juxta singulas Lunæ periodos: circa hæc tem-
pora enim Cerebrum miras patitur alteratio-
nes; siquidè in Plenilunio (ut ex Vulne-
ribus Capitis patet) Cerebrum turget, & to-
tam Calvariæ cavitatem replet; imò extra
Vulnus sæpè attolli visum est: Decrecente
verò Lunâ, usq; ad Novilunium, subsidet
& tunc minima ejus quantitas cernitur: Ut
Ostrea, Piscesq; Testacei omnes in Plenilu-
nio turgentiores, & meliores habentur; in
Novilunio è contra.

Julapii

Zulapii Chalybeati ℥ij.

℞ Aq. Fœnic. Petrosel. ā ℥xij. Sal. Chalyb. pul. ℥ij. dissolve super prunas; reponē 24 horas: liquori claro effuso adde Aq. Raph. comp. Syr. è ʒ Rad. ā ℥iv. Spir. Cochl. Elix. Propr. Tartarifati ā ℥fs. m.

Incipiendum est à minori quantitate sc. cochl. iij. quæ sensim augenda est ad cochl. vj. vel vij.

Observabit interea Medicus, num æger chalybem excernat nec ne; quod ex sæcum nigredine cognosci potest; alias si non excernatur, quinto aut sexto die clystere, vel ecoproptico alvum movebit. Imò utilitèr poterit chalybeata Purgantibus admiscere; ut aperiat, & in corpore non subsistat. Primeros. de Morb. Mulier. 176.

Zulapii Cordialis ℥xij.

℞ Aq. Melissæ, Ceras. nig. ā ℥ij. Cinnam. hord. ℥ij. Epidem. ℥ifs. Pæon. Comp. Syr. Garyoph. ā ℥j. Limon. ℥fs. Confect. Alkermes ʒiv. m.

Hujusmodi Cardica quamprimùm in Stomachum ingeruntur, imò interdùm Ore tantùm libata, virtutes suas exerunt, & cum grato appulsu, Spiritus in primis viis, sive corporis velut porticu degentes, refocillant, aut instaurant: dein horum continuitate, Ovatio eadem in Spiritus alios successivè tradita, brevi per totam Animæ sensitivæ compagem undulat; proindè ut tùm Cerebrum, tùm Præcordia pleniorè Spirituum (quasi exultantium)

K

tium)

tium) influxu irridiata, fuctionum fuarum munia multò vegetiùs, & alacriùs obeant, atq; ità Pulsus priùs debilis, aut vacillans, mox fortiùs vibret, & Sanguis cum majori impetu circumpellatur.

Hicce autèm vigor ascititius, cùm à Spiritùs Vinosi diffilabilis adèò, & fugacis afflatu solùm pendet, valdè reperitur evanidus, & momento labitur, atq; dein æger (non obstantè vi Julapii) in pristinos languores rursùm recidit: Ideoq; (si communis passim pateretur mos practicandi) tenuibus his Julapiis, generosa Electuaria, oleis aromaticis ditata, quæ in Ventriculo diutiùs retineri possent, ibiq; gratum spirarent, & Spiritus æq; saltèm ac Julapia, demulcerent, & exultare facerent, libentius sæpè substituerem.

Julapii Cordialis temperati ℥ij.

℞ Aq. Ros. Damasc. ℥viiij. Vini Rhen. ℥iv. Succi Aurant. ℥ij. Aq. Cinnam. fort. ℥ij. Sacch. albi ℥ij. Pul. subtil. ccc. ℥iv. m.

Solamen, & suppetias affert in Febribus, quandò æger præ caloris incendio ferè comburitur, Siti deficit, oblanguetq; Itèm quandò recrementa ustulata, biliosa, acria e sanguine bulliente in Ventriculum suffusa ægritudinem, & angorem miserabili modo affligentem concitant. Dos. ℥iv. tèr vel Sæpius in die.

Julapii Diuretici Acidi ℥ij.

℞ Vini Rhen. ℥ij. Succi depur. Parietar. Limon.

Limon. \bar{a} \bar{z} ij. Aq. Aparines, Spir. Vini Gall.
Syr. è \bar{s} Rad. \bar{a} \bar{z} iv. m.

Sola Acida Diuretica Sanguinem fundunt, ac in ferositates præcipitant; uti cum Acidum lacti ebullienti instillatur. Attamen hoc non adèo paritèr omnibus, nec etiam quibusvis ex æquo contingit. In constitutione sanâ, aut non multùm ab eâ remotâ, Sal Cruoris partim fixus, & partim nitrosus partimq; volatilis existit: itèm in Scorbuticis, & Hydropicis quibusdam, iste plerùmq; fixus evadit: quamobrèm in singulis his casibus, Diuretica sale Acido prædita cum fructu adhibentur. In Affectibus verò Catarrhosis, & in quibusdam Hydropicis, & Scorbuticis, cum in Fluoris statum sanguinis particulæ salinæ fixæ eveniunt, ac volatiles deprimuntur (uti crebrò evenit) Remedia Acetosa obesse potius quàm prodesse solent; quatenùs sanguinem à crassi rectâ degenerem, magis pervertunt: quinimò his medicamenta Sale fixo, ac Volatili prædita potius ex usu erunt. Dof. \bar{z} iv. vel \bar{z} vj.

Julapii Diuretici Aromatici thj.

R \bar{z} Vini albi \bar{z} vij. Aq. Fœnic. \bar{z} iv. Aq. Raph. comp. \bar{z} ij. Tinct. Sal. Tart. \bar{z} is. Ol. Junip. gut. xxiv. Ol. Anisi, ol. nuc. Mosch. gut. viij. Sacch. albi \bar{z} j. m.

Aromatica quatenùs Diuretica, non tam agunt in Sanguinem, quam Organa ipsa. Non illorum enim esse videtur, ut Cruoris contexturam nimis strictam referent, & liquent, Serumq; ab eius amplexibus secedere faciant, sed potissima eorum operandi ratio certissimè consistit in hoc, quòd ob volatilitatem,

tem, tenuitatem, & caliditatem, Renes & Ureteres aperiunt, detergunt, confortant, & ad munus suum defungendum hortantur, & stimulant. Ideòq; hoc medicamentum locum habet non in Febre, Scorbuto, &c. ad sanguinem fundendum, & depurandum; sed maximè in Arenulis, ad Sabulum, & Mucum vias urinarias obstruentem amovendum; atq; ità ad Urinæ cursum vindicandum. Quotiès verò in Paroxysmo Nephritico gravis adfuerit Renum incalescentia, & dolor, ab hujusmodi calentibus, & stimulantibus omninò abstinendum erit; nè Membranæ scilicet, & Ureteres in Spasmos, & constrictiones fortiores adigantur; atq; indè arenulis, & calculo descensus penitùs intercludatur.

Aliis etiàm (præter Calculum) Affectibus utilem præstat operam: quatenùs enim (propter partium tenuitatem, aperiendi, stimulandi, & confortandi facultatem) lympham congelatam, & fœculentam saburram in canaliculato corporis habitu depositam, è latibulis exturbet; sanguinis circulantis in rivum pel-lat, atq; ità (licèt secundariò) per Diuresin evacuet; Hydropè, & Mensium obstructione laborantibus longe esse proficuum expertus sum. Dos. ζ iv. vel ζ vj. bis tervè in die.

Julapii Diuretici Nitrosi ℥ij.

℞ Aq. Aparines ζ xx. Aq. Raph. comp. Syr. Alth. \bar{a} ζ vj. Sal. Prunellæ ζ ss. Sal. Succini \mathcal{D} ij. m.

Sanguinem, & Succos eluit, & eliquat, Sales Tartareos, & Mucum aggestum dissolvit, & expellit; Renes & Ureteres refrigerat, aperit,

rit, & detergit. Tutius hoc videtur remedium, quando multum calefcit, & dolet Lumborum regio, quam superius illud Aromaticum. Observandum verò, nimium frequentem hujusmodi Nitroforum Diureticorum usum Renum tonum tandem labefacere solet. Propinentur ℥iv. vel ℥vj. t̄er in die.

ſulapii Emmenagogi ℥xij.

℞ Vini albi ℥vj. Aq. Pulegii ℥iij. Aq. Bryon. comp. ℥ij. Ol. Sabinæ gut. xij. Ol. Garryoph. gut. viij. Sacch. albi ℥j. m.

Sanguinem exagitando, Obstructiones referando; & Uterum stimulando, Menses movet. Atq; tunc præcipuè convenit, quando Menses nimis parçè, tardè, & non ἐυφώρως, sed cum Dorsî, Abdominis, aut Uteri dolore fluunt. Ubicunq; verò Sanguis multum reperitur diminutus, aut depauperatus, ubi totalis adest suppressio; malum est confirmatum, & diuturnum, frustra tunc exhibetur. Dos. ℥iij. bis in die per biduum ante expectatum tempus.

ſulapii Hysterici ℥xij.

℞ Aq. Ceraf. nig. Artemis. Puleg. ā ℥iij. Bryon. comp. ℥iſs. Tinct. Castor. ℥iſs. Ol. Succini gut. xxiv. Sacch. alb. ℥j. m.

Affectionem Hystericam refrænât, in quantum Spiritus irritat; huc illuc excurrere, & efferri cogit. Cùm enim ipsi inordinatè habentes, & inæqualitèr dispersi, in quibusdam locis densiùs, inq; aliis tenuiùs scatent, proindeq; functionum suarum munia quædam, ac

potissimum intra Cerebrum, aut Præcordia intermittunt, aut perversè agunt, optimum tunc remedium est, ut ab hujusmodi Pharmaco ingrato perturbentur, & exagitentur magis: propterèa namq; illi, tanquam à loris inflictis exfuscitati, & velut flagellati, ἀραξίας priores relinquunt, & sponte suâ in ordines regulares, & pristina officia redeunt. Dos. ℥ij. vel ℥iij. Hoc autem remedium non omnibus æq; Convenit, siquidem cernere est aliquas, quibus Oleum Succini ructus odiosos excitat, & valdè est ingratum.

Julapii Idæi ℥xij.

℞ Vini Canar. ℥iiij. Rad. Irid. Florent. incif. ℥iiij. infunde leni tepore hor. j. col. adde Aq. Rosar. Dam. ℥iiij. Cinnam. hord. ℥ij. Aq. Cœlest. Spir. Hormini Succ Chermes col. ā ℥ij. Syr. è Rubo Idæo ℥ifs. Fol. Auri N^o ij. m.

Julapii Moschati ℥xij.

℞ Aq. Rosar. Damasc. ℥vj. Naphæ ℥j. Cinnam. hord. ℥ij. Pæon. comp. ℥ifs. Mosch. Ambra grif. (cum Sal. cc. gr. j. trita) ā gr. ij. Croci (scissi, & in nodulo lig.) ℥j. Ol. Garyoph. gut. j. Confect. Alkerm. ℥ij. Syr. Garyoph. ℥ifs. m.

Mulcimine pergrato Spiritus in Ventriculorum copiosius allecat, & languidos refocillat. Temperatum quidem est, sed Nobile prorsus Cardiacum in Febris mali moris, quæ vapores deleterios ad Stomachum suffundunt; Spiritusq; labantes irritant; in confusiones,

fiones, & spasmos adigunt; & Singultum indè excitant, nondùm hactenùs præstantius novi remedium; aliquandò enim devinitùs succurrit, & Singultum superat. Ut ingenuè tamèn fatear, tum funestum hoc sæpè notavi esse Symptoma, ut neq; hoc, neq; aliud quodcunq; vel excogitare vel invenire mihi adhuc, datum sit, quod illi par esset; sed totis viribus licet certavi, Fatis tamen frustrà obnifusum. Dentur cochl. v. tertiis horis.

Zulapii Pectoralis ʒxij.

℞ Aq. Fœniculi ʒvj. Puleg. Hyssopi ā ʒij. Tinct. Dulc. Tinct. Croci (Aq. Theriac. parata) ā ʒj. Ol. Anisi gut. xij. Sacch. albi ʒvj. Sp. * gut. xij. m.

Constat particulis volatilibus, oleosis, & balsamicis, pulposo Dulcium crassamine acceptis, & incorporatis, atq; eâ de re compositè, & diversimode operatur: etenim Incidit, & Lenit, Attenuat, & Maturat; Serum falsum corrigit, & Pituitam crassam eliquat; Pulmonum tonum roborat, & Bronchia ab infarctu liberat: Summatim optimum est Thoracicum, & cujuscunq; ferè generis Tussi conuenit. Dos: cochl. ij. statim à singulis Tussiendi nixibus finitis.

Zulapii Perlatis attemperantis ʒxij.

℞ Aq. Borag. Lujulæ ā ʒiv. Rosar. Damasc. Cinnam. hord. ā ʒij. Margarit. præp. ʒj. Sacch. candi albi ʒiij. Ol. Nuc. Mosc. gut. j. m.

Febricitantibus angores patientibus valdè grato,

grato, & præsentaneo est subsidio: quippè dum neq; sanguinem exagitat, aut rarefacit; neq; æstum promovet, aut intendit; Ventriculo interim fæculentiis acribus, & adustis humoribus, (à sanguine despumationem conanti suffusis; & à fermentatione præternaturali excoctis) laboranti, & ferè succumbenti, subvenit: grato enim, & edulcoranti embaminate illum perfundit; exindeq; illo recreato, Spiritus & influi, & insiti per totam machinam novo vigore inspirati, confestim refocillantur; plurimùm & sustentantur. Dos. cochl. vj. ad libitum.

Zulapii perlati Cordialis ꝛij.

℞ Aq. Ceras. nigr. Aq. Lact. Alexit. ā ꝛiv. Cinnam. hord. ꝛij. Epidem. Pæon. comp. ā ꝛj. Margarit. pp. ꝛj. Sacch. candi albi ꝛij. m.

Iisdem pollet viribus ac proximè prægressum: at quoniàm aliquantò magis calidum, spirituosum, & activum est, rectiùs præscribitur quoties non solùm Ventriculus, aggravatur, & malè patitur; sed insupèr debita sanguinis fermentatio deficit; Spiritus labascunt; Pulsus vacillat; & regimen animale universim fatiscit. Dentur cochl. v. vel vj. in languoribus.

Zulapii Perlati Hysterici ꝛij.

℞ Aq. Ceras. nig. Artemis. ā ꝛij. Puleg. Rutæ, Bryon. comp. ā ꝛij. Margarit. ꝛj. Sacch. candi albi ꝛij. m.

Hujus

Hujus usus indicatur non (ut superiorum) quando Ventriculus, aut Sanguis primariò, & præcipuè laborant; sed quando Spiritus ipsi vel inordinatè agglomerantur, & ipsamodi- cè exploduntur; vel copulâ heterogeneâ one- rantur, & torpidè subsidunt: uti evenit cum Vapores, & Languores Hysterici, Tremo- res, Subfultus, aut Affectus Convulsivi, Comatosivè febricitantibus vel adsunt, vel in- tentant. Propin. cochl. v. tèr in die, vel sæ- piùs pro re natâ.

Zulapii Perlati Phthisici ℥vj.

℞ Aq. Limac. Pect. nost. ℥viiij. Cinnam. hord. ℥vj. Syr. Balsam. ℥ij. Margar. præp. ðiv. Ol. Nuc. Mosch. gut. j. m.

Utile est ad Spiritus reficiendos, & vires fulciendas; ad Ventriculi acidum retunden- dum, ejusq; tonum conservandum; ad Tu- bercula Pulmonibus nata dissolvenda, & va- forum oscula conglutinanda; ad humorum acrimoniam demulcendam, & colliquativam sanguinis diathesin corrigendam; deniq; ad Calorem Hecticum extinguendum, & nè lym- pha copiosè per Trachæam, & Glandulas Pulmonum expuatur, inhibendum. Dos. ℥iv. tèr in die, vel cochl. v. in Languoribus, ad libitum.

Zulapii Pleuritici ℥xij.

℞ Aq. Papav. errat. ℥vj. Tussilag. ℥iv. Syr. Papav. err. ℥ij. Lap. Prunel. Sang. Hirc. ā ðiv. m.

Ad sitim alleviandam; Sanguinem refrige-

K 5 ran-

randum; Coagulum lentescens dissolvendum; Obstructionem inde natam expediendam; dolorificam membranarum crispationem relaxandam; Circulationem per partem restituendam; Expectorationem & Diuresin promovendam; dentur ℥iv. t̄er in die.

Julapii Proprietatis ℥bj.

℞ Vini Canar. ℥x. Aq. Ment. ℥ij. Aq. Gent. Comp. ℥iiij. Rad. Angel. Hispan. Garyoph. ā ℥iiij. f. Infus. tepida, & clausa 2 horas. Col. adde Elix. Propr. tartarif. ℥ij. m.

Ad Appetitum excitandum, Nauseam tollendam, & Concoctionem juvandam. Propin. ℥ij. hor. fs. ante Prandium, & statim a Prandio quotidie.

Julapii Puerperarum ℥xij.

℞ Aq. Melissæ, Ceras. nig. ā ℥iiij. Cinnam. hord. Stephani, Syr. de Mecon. ā ℥ij. Laud. liq. gut. 40. m.

Ad dolores post partum expertum, & benedictum est remedium. Neq; quis hic, nisi planè inexpertus metuat Lochiorum obstructionem ab ejus usu subsequituram; cum è contra, maximè frequens occasio suppressionis eorum ab intenso dolore repetenda sit: indè enim turbatur Spirituum ordinatus motus; stringuntur undiq; in corpore fibræ; & tenduntur simul Uteri, ejusq; membranosa Vaginæ fibrillæ; hinc excernendorum per hæc loca debitus supprimitur fluxus. Undè memorato in casu (non tantùm Ratione, sed & Experimentiâ annuentibus) Opiata, præ cæteris fausto

fausto cum successu exhibentur: ab eorum si-
quidem usu, cessante dolore, relaxatâ fibra-
rum constrictione; & in ordinem restituto
spirituum motu, tantum aberit ut suppressus
inde sit purgamentorum effluxus, ut è con-
trâ auspiciò magis, placidiùs, & copiosiùs,
redeat. Dos. ζ iv. bis in die, si casus repeti-
tionem postulaverit.

Julapii Refrigerantis ℥ij.

℞ Aq. Portulacæ, Borag. Lujulæ \bar{a} ζ iv.
Aq. Ros. Dam. Succ. Limon. Depur. \bar{a} ζ j.
Syr. è Rubo Idæo ζ ij. m.

Remedium est Febricitantibus expetitissi-
mum; ad saburram nempe in ventriculo adu-
stam temperandam; ad Pituitam inibi cras-
sam incidendam; ad fervorem Stomachi ex-
tinguendum; ad Sitim inexplebilem allevian-
dam; & Sanguinis ebullitionem enormem de-
primendam. At verò, Ne quid nimis: de
succo enim Limonum (inquit River.) hoc no-
tandum est, cautum esse debere illius usum;
quâ frequentius, aut nimiam copiâ exhibitus,
Apthas facit in Ventriculo, & excoriaciones;
undè Lienteria succedit: quod multò magis
de Acidis mineralibus dicendum est. Dos.
 ζ ij. vel ζ iv. tère in die.

Julapii Scorbutici ℥ij.

℞ Aq. flor. Samb. ζ xx. Aq. Raph. comp.
Syr. bac. Samb. \bar{a} ζ xj. Spir. Cochlear. ζ is.
Ol. Saffaph. gut. iv. m.

Titulus vires indicat. De operandi ratione
Scorbuticorum consulatur Cerev. Scorb. cal.
Decoct.

Decoct. Scelotyrb. & Elect. Scorb. cal. Dos.
 ℥iv. bis indies.

Julapii Splanchnici ℥ij.

℞ Aq. Ari, Fumar. Fl. Samb. ā ℥vj. Aq.
 Gent. comp. Lumbric. Magistr. Syr. è 5 Rad.
 ā ℥iv. Tinct. Sal. Tart. ℥ifs. Sp. Coch. Elix.
 Propr. Tartarifati ā ℥ij. m.

Ventriculi succum acidum, & nidorosum
 corrigit; Phlegma incidit; Tōnum stabilit;
 Scorbuto medetur. Sed quoad ultiores ejus
 vires, quas in Viscerum regione, & Sangui-
 nis massā edit, ne Cramben bis coctam appo-
 nam, ad Cerevis. & Decoct. Splanchn. Lecto-
 rem relego. Dos. ℥iij. vel ℥iv. manè, & quar-
 tâ pomerid. per aliquot hebdomadas.

Julapii Stomachici ℥ij.

℞ Vini Xeroensis, Aq. Cinnam. hord. ā
 ℥iv. Aq. Ment. Gent. comp. Absint. comp.
 Syr. Cydon. ā ℥ij. Ol. Garyoph. Nuc. Mosch.
 ā gut. ij. m. Addi possint Theriacæ Ven. ℥ij.

Sarcinam mucaginosam, & putrilaginem
 sædam Ventriculi plicis, & villis adhæren-
 tem, & illum polluentem, incidit, & di-
 movet: Fibras ejus debiles, & flaccidas sale
 volatili oleoso perfundit, & roborat; Spiritus
 hospites copiosius ed allicit, & recreat: atq;
 ita Tonum restaurat; calorem nativum
 restituit; Appetitum revocat; Coctionem ju-
 vat; Ructus curat; Flatus dissipat; Nauseam,
 & Vomitum tollit. Exhibeantur ℥iij. vel ℥iv.
 horâ j. ante Pastus: vel ad coctionem auxilian-
 dam, immediatè post Pastus.

Julapii

Zulapii Styptici ℥xij.

℞ Aq. Plantag. ℥vj. Aq. Sperm. Ranæ.
 ℥iv. Syr. é Coral. comp. ℥ij. Terræ Japan.
 Croc. Mart. astring. ā ℥ij. Sacch. Saturni gr.
 vj. Laud. liq. gut. 40 m.

Sanguinis turgescientiam inordinatam com-
 pescit, ejusq; impetum malè sanum cohibet:
 Serum nimis acre præcipitando, corrigit; au-
 steritatèmq; conciliando, ejus eruptionem
 prohibet; tandemq; hiatum & aperturam vaso-
 rum occludit. Conducit in Hæmorrhagiâ na-
 rium; Hæmoptysi, Hæmorhoidum & Men-
 sium fluxu, Mictuq; cruento. Dentur frigidè
 ℥iij. bis, tervè in die.

Zulapii Succinati ℥xij.

℞ Aq. Petrosel. & Fœnic. ā ℥iv. Aq. Lum-
 bric. Magistr. Raph. comp. ā ℥j. Syr. è 5 Rad.
 ℥ij. Sal. Succini ʒss. m.

In Anasarçâ (non verò Ascite) plurimum
 possunt Aperientia, Dissolventia, & Diureti-
 ca: Oritur enim hicce Affectus, quatenùs
 Lympha morbosè redundans in partes fibril-
 losas (quæ canaliculatim per totum corpus
 sunt undiq; dispositæ) suffunditur: atq; pro-
 pagatur, & augetur, quatenùs Lympha ista
 in crassamentum gelatinosum concrescens,
 obstructionesq; figens, ulteriori adhuc lym-
 phæ appellentis suffusioni occasionem præbet.
 Ideoq; quæcunq; possunt istiusmodi gelatinam
 eliquare; è fibrillis extrudere, in massam cir-
 culantem reducere; & per Urinam deniq; ab-
 legare, magnæ esse efficacix, & utilitatis li-
 quidd

quidò patet. Hoc verò opus cùm à solis Ape-
rientibus, & Volatilibus Diureticis expectan-
dum est; præfens Julapium contra Hydropem
(dummodo carnes ipsas duntaxat afficit; &
non in Abdominis cavo deponitur) multum
levaminis afferre solet. Catharticis debitis in-
tercalatis, propinentur ℥iv. tèr in die.

Jusculum Cancrorum Fluviatilium.

℞ Cancror. fluviatil. N° 100. contundan-
tur vivi; dein coq. in Aq. ℥iv. ad ℥iiis sub
finem adde Mac. fol. ij. Nuc. Mos. ras. N° j.
Vini Malvat. ℥ss. col. absorbeaturn haustus bis
in die.

Virtutes vide sub titulo Jusculi Gammaro-
rum.

Jusculum Consummatum.

℞ Caponem (evisceratum, & in frustula
concis.) N° j. Ped. Ovil. & Vitul. à N° iv. Ras.
cc. Eboris à ℥ss. Lig. Sant. citr. ℥iij. Dactyl.
N° xx. Passul. ℥iv. Hord. perl. ℥j. Coq. in Aq.
Cong. j. ad ℥iv. sub finem addendo Flor. Bel-
lid. maj. Herb. Tussilag. Cakil. Ven. Pulmo-
nar. macul. à Mj. Mac. fol. ij. Nuc. Mosc.
N° j. Vini Malvat. ℥j. col.

Commodissimè præscribitur Valetudinariis;
è Morbo longo emacianti reconvalescentibus,
& Phtisicis, ubi Vires languent, Nutritio
plenior requiritur, nè tamen Ventriculus so-
lidis cibus concoquendis par est: minimo
enim cum negotio coquitur: facillè distribui-
tur; citò agglutinatur; nec à calore partium
statim discutitur. Insupèr istiusmodi mollem,
rori-

roridum, & glutinosum succum suggerit, qui particulas sanguinis salinas, asperas, duras, & efferas demulcet, quasi visco oblinat, emolliat, & compefcit, nè per corporis canales impetuosiùs delatæ, & duritè affricantes, partium solidarum substantiam prædentur, & abripiant. Concedatur largus haustus bis, vel ter in die.

Jusculum Galli.

℞ Rad. Eryng. cond. ℥ij. Rad. Chinæ, Scorzon. Passul. Corinth. Dactyl. ā ℥j. Raf. CC. Ebor. ā ℥ss. Sem. quat. frig. maj. ā ℥ij. Capil. Vener. Mij. Crustam Panis albi veteris, Gallum (strangulatum, deplumatum, evisceratum, & probè contusum) Coq. in Aq. Hord. ℥vj. ad ℥iij. col. adde Vini Canar. ℥j. Elect. Saffaph. Succ. Cher. nes ā ℥ss. Syr. Bals. q. f. m.

Jusculum Gammarorum.

℞ Caudas xx. Gammarorum, Rad. Eryng. cond. ℥j. Crustam Panis albi, Passul. exacin. ℥ij. Glycyrrh. ℥iij. coq. in Aq. font. ℥iij. ad ℥ij. f. col. Sumatur ad ℥iij. aut ℥iv. ter in die. Eodem modo paretur Jusculum Limacum.

Tanta Cancris, Gammaris, & Astacis inest edulcorandi vis, ut vel Aceti ipsiùs aculeos manifestè obtundant; & intra corpora nostra sumpti, Stranguriæ acrimoniam mirè tollant: Ideòq; in Febre Hecticâ, & exindè ortâ Atrophîâ, ubi massa sanguinis succo alibili, blando, subdulci, & oleosò privata acris est, fer-

ver,

vet, & nutritionis penum nimis parcum, aut depravatam suppeditat, apprimè reperitur utile. Assumatur bis in die.

Fusculum Phthificum.

℞ Conf. Ros. rub. ℥iiij. Rad. Symph. maj. ℥ij. Raf. CC. ℥j. Capil. Ven. Mj. Pulmonar. querc. Mii. Plantag. Mfs. Passul. maj. ℥ij. Da-ctyl. N^o iiij. coq. cum Pullo Gallinaceo & Frustulo Colli Vervec. & Micæ Panis albi ℥iiij. in Aq. q. f.

Post coctionem, colaturam, & pinguedinis ablationem, sumatur scutellum bis terve in die.

Lapis Alexiterius.

℞ Succini, Coral. rub. ā ʒfs. Antimon. diaphor. Rad. Contray. Ocul. Cancr. ā ʒj. Chel. Cancr. ʒfs. f. Pulv. super Porphyritum lævigandus, qui Gelatinâ CC. exceptus form. in Globulos. Addi possunt Amb. grif. gr. xij.

Landanum Hystericum.

℞ Laud. Lond. Asæ fæt. ā gr. ij. Ol. Succini gut. j. m f. Pilulæ ij.

Linimentum Aluminosum.

℞ Alum. crudi, & usti pulv. a ʒij. Boli, Ter. Japan. ā ʒj. Ol. Saffaph. gut. vj. Mel. Ros. q. f. m.

Ad